



*Rabu, 03 Maret 2021*  
**Ogen: Kuan-kuanen 23 : 17-18**



**Terang Warindu Si Pagi**



**T**erang perlu kal i bas kegeluhenta, terang e perlu nerangi si gelap. Sabab gelap e langasup nerangi si gelap. Emaka kitik pe terang e seh kal perluna i bas kegelapen. Lit Dibata namaken setiap jelma nggeluh i doni enda, eme jadi sira ras terang ku sekelewetna. Emaka bahanlah kegeluhenta enda lit nanamna, erguna man kalak sideban, jadi terang i bas kegeluhen. Labo muat dekahna kita nggeluh i doni enda, si perlu ernanam kita man sekelewetta. Si man perenungen, enggo nge lit nanamna kita nggeluh asa gedang geluhta genduari enda? Monumen hidup dibangun dari bagaimana hidup kita sekarang. Janah si jadi ingeten man kalak sideban. Lit sekalak diaken si seh kal rajinna, melayani i bas sada gereja, lapernah kita tulpak, tupung pendeta la banci ngelai perpulungen, waktuna nggo lit ngelaisa, tupung pertua diaken sideban la banci reh ia nggo i je. La ia erkira-kiran i bas ndahiken dahin pelayanen. La pernah i bandingkenna asakai pemasukenna tupung ia ngelai Tuhan. Tulus kel ia ngelai perpulungen, la ngidah waktu erpagi pagi, suari entah pe berngi katawari saja pe lit waktuna, keluarga pe mendukung erkiteken la ka lit anak i tengah jabuna emaka pelayanen nomor sada man bana. Emaka segedang geluhna iinget perpulungen e ia erkiteken nggo ibangunna monumen geluhna alu pelayanen si mehuli. Tentu pe i bas kegeluhenta kai sinilakoken kita genduari enda sie kerina erdampak ku simehuli ku bas wari si reh enda. Emaka ula pernah erleja ngelakoken perbahanen si mehuli ibas kerina dampar kegeluhenta. La pernah rugi ngelakoken si mehuli. Jadilah geluhta terang si erkinar man sekelewetta bagepe i bas jabunta gelah alu bage si gelap pe banci terang erkiteken lit ngaruh si rehna i bas kita nari.

*↳ Tetaplah jadi terang i bas pengerana ras perbahanenta man kalak sideban*